

## LETRA E DYTË E GJONIT

### Përsëritjet

Kryetari ia drejton këtë letër kishës së zgjedhur dhe anëtarëve të saj, të cilët i dua në të Vërtetën, dhe jo vetëm unë, por edhe të gjithë ata që e njohin të Vërtetën. <sup>2</sup>E Vërteta mbetet vërtet në ne dhe do të jetë përgjithmonë me ne.

<sup>3</sup>Perëndi Ati dhe Biri i tij Jezusi, Mesia, na dhëncin hir, mëshirë dhe paqe, që të mbetemi të lidhur në të Vërtetën dhe dashurinë.

### E vërteta dhe dashuria

<sup>4</sup>U gëzova shumë, sepse ndër anëtarët e kishës gjeta disa që jetojnë sipas së Vërtetës, siç na urdhëroi Ati.

<sup>5</sup>Prandaj, ju lutem, bashkësi e dashur, ta duam njëri-tjetrin. Nuk e shkruaj këtë si një urdhër të ri, sepse e kemi qysh në fillim. <sup>6</sup>Dashuria, për të cilën flas, tregohet kur në jetën tonë drejtohem sipas vullnetit të Perëndisë. E dëgjua që nga fillimi se ç'thotë urdhri i tij: dashuria duhet të caktojë tërë jetën tuaj.

<sup>7</sup>Kjo botë është plot me mashtrues. Ata mohojnë se Jezusi, Mesia, u bë njeri i gjallë. ♦ Nga kjo njihet mashtruesi dhe mesia i rremë.

<sup>8</sup>Kini kujdes që të mos e humbitni atë për të cilën punuat, por të merrni shpërblimin e plotë.

<sup>9</sup>Kush kalon përtej dhe nuk qëndron në mësimin që na e dha Mesia, nuk ka asnjë lidhje me Perëndinë.

Kush qëndron në atë që mësoi Mesia, ka edhe Birin, edhe Atin. <sup>10</sup>Prandaj, në qoftë se te ju vjen ndokush dhe jep ndonjë mësim tjetër, mos e lini të hyjë në shtëpi. As mos e përshëndetni; <sup>11</sup>sepse kush e përshëndet, është bashkëfajtor me veprat e tij të këqija.

<sup>12</sup>Kam edhe një gjë tjetër për t'ju thënë, por nuk dëshiroj ta bëj me shkrim.

Shpresoj t'ju bëj vizitë dhe të flas personalisht me ju. Atëherë do ta kalojmë shumë mirë së bashku.

<sup>13</sup>Ju bëjnë të fala anëtarët e kishës simotër.

---

♦ [Gnostikët mohonin mishërimin e Krishtit.](#)